



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Quo modo justum judicium judicandum?

urn:nbn:de:hbz:466:1-45699

rario iudicio reponitur) sed diuinum, & iustum, & leuerum docet, pro temerario patiendum, ita enim loquitur: *Grau. est de alio judicare.* Vnde & scriptum est: *Nolite judicare, & non judicabimini, cum enim unusquisque sit suorum consciens peccatorum, quo modo potest de alterius judicare peccato?* *Iudicet de alterius errore, qui non habet, quod in se ipso condemnet.* *Iudicet ille, qui non agit eadem, qua in alio putauerit punienda, ne cum de alio judicat, in se ferat ipse sententiam.* *Iudicet ille, qui ad pronuntiandum nullo odio, nulla offensione, nulla levitate ducatur.* Itaque dignus fuit ille impurus homo, qui ipse Veneris caussa ibat ad meretrices, ut, quia Vitalium eodem animo illuc subire iudicabat, eumque idcirco verberare non verebatur, vicissim quoque ipse verberaretur; & palam fieret vbiq; Alexandriae, eum reuera esse, quod in altero temere iudicauerae.

X.

S. Basili. in regula breuior. q. 164. Matth. 7. 1. Ioan. 7. 24. Rom. 14. 10.

Vnde S. Ambrosius adiecit: Iudicet ille, qui ad pronuntiandum nullo odio, nulla offensione, nulla levitate ducatur. Et S. Basilius ait: cum Dominus alias dicat: *Nolite judicare, & non judicabimini:* alias vero *Iustum iudicium judicandum esse praecipiat, nequaquam in universum interdictetur nobis, quod minus judicemus, sed in iudicio faciendo, jubemur delectum habere, quem dilucidè monstrauit nobis Apostolus,* qui de his quidem, que posita sunt in libera cuiusq; potestate, dixerit: *Tu autem, quid judicas fratrem tuum?* Et iterum: *Non ergo amplius incicemus.* In his vero, que disperdunt Deo, eos reprehendat, qui non iudicant. Itaque, teste S. Augustino. Duo sunt, in quibus temerarium iudicium canere debeamus: cum incertum est, quo animo quidque factum fuerit: vel cum incertum sit, qualis futurus sit, qui nunc vel bonus, vel malus apparet. Si ergo quispiam, v.g. conquebus desfamocho jejunare voluit, & tu id non credens, edacitatis virtus tribuerit, temere iudicabis. Item si manifestam edacitatem ebriositatēque cognoveris, & ita reprehenderis, quasi numquam illa posset corrigi atq; mutari, nihilominus temere iudicabis. Non ergo reprehendamus ea, que nescimus, quo animo siant; neq; ita reprehendamus, que manifesta sunt, ut despiceremus sanitatem. Exitabimus iudicium, de quo nunce dicitur: *Nolite judicare, ne iudicetur de vobis.*

CAPVT